

» presbyteros grecos per eos pro tempore deputatos et eorum sin-
 » gulos licentia et facultate predictis pacifice frui et gaudere face-
 » rent, non permittentes eos vel eorum aliquem per ordinarium
 » loci et plebanos seu rectores ecclesiarum civitatis vel quoscumque
 » alios deputatos quomodolibet indebite molestari per quasdam man-
 » daverat; et deinde exposito sibi pro parte tunc patriarche Ve-
 » netiarum, quod Greci in dicta civitate commorantes orationem
 » per eos ad laudem Virginis editam, in qua latinos, hereticos esse
 » temere asserebant (1), non solum publice recitare, verum etiam
 » in opprobrium eorundem latinorum imprimi facere presumpse-
 » rant, et propterea dicti Greci omni privilegio, immunitate et
 » exemptione eis concessis se reddiderant indignos, cum antea cau-
 » sam surreptionis et obreptionis literarum Leonis predecessoris
 » hujusmodi certis tunc expressis iudicibus audiendam, et prout
 » juris foret decidendam commiserat, prefato Altobello episcopo et
 » nuncio, ut ex tunc de cetero predictos Grecos nullatenus defen-
 » deret, nec in aliquo de rebus eorum se intromitteret, sed iudici-
 » bus, quibus causam ipsam commiserat, onus eam cognoscendi et
 » terminandi omnino relinqueret, per alias suas commiserat, ad
 » audientiam nostram pervento, quod nonnulli ex dictis Grecis non
 » modo decreta concilii Florentini sub recolende mem. Eugenio
 » Pp. IV similiter predecessore nostro celebrati negligebant, verum
 » etiam alios ejusdem nationis illis non adherentes ac omnes lati-
 » nos hereticos et schismaticos affirmabant, ac censuras ecclesiasti-
 » cas ab alio, quam a patriarcha greco latas parvi pendentes, omnes
 » presbiteros Grecos decreta concilii hujusmodi servantes, ab ea-
 » dem ecclesia s. Georgii expulerant, et ad alia vetita prosiliebant
 » in divine Majestatis offensam et catholice ecclesie spretum et per-
 » turbationem. Nos, omnes et singulas causas etiam pretextu qua-
 » rumvis litterarum apostolicarum quibusvis iudicibus, tam ordina-
 » riis, quam delegatis super promissis et illorum occasione inter

(1) Nel modo stesso, che lo affermavano degli armeni, come s'è veduto di sopra, pag. 39, così nominavano *eretici i latini*.